

广东通志

广东通志

廣東通志卷一百八十三

甲子重刊

前事畧三

唐 五代梁

唐

武德四年河間王孝恭獻平蕭銑之策高祖嘉納之統水陸十二總管發白碇州孝恭分遣撫慰嶺南四十九州皆款附

舊書李孝恭傳

九月蕭銑黃門侍郎劉洎畧地嶺表得五十餘城未還而銑敗洎以城來降

通鑑

五年正月嶺南俚帥楊世畧以循潮二州來降

同上

四月甯長真降

舊書高祖紀

廣州賊帥鄧文進降

通鑑

謹案煬帝幸江都時鄧文進據廣州見舊

書他無可考

七月隋漢陽太守馮盎以南越之地來降嶺表悉

定

高祖紀

蕭銑據荊州遣李靖安輯之陳十策以圖銑高祖從之授靖行軍總管兼攝孝恭行軍長史銑降以功封永康縣公檢校荊州刺史乃度嶺至桂州遣人分道招撫其大首領馮盎李光度甯長真等皆遣子弟來謁靖承制授其官爵凡所懷輯九十六州戶六十餘萬優詔勞勉授嶺南道撫慰大使

李靖傳

馮盎降析其地爲高羅春白嵯儋林振八州授

盜高州總管子智戴春州刺史智或東合州刺

史馮盎傳

謹案臨振縣名林字誤隋唐無林州有振

州林字疑衍八州當作七州

林士宏黨張善安保南康貳於士宏擊破豫章士
宏尙有南昌虔循潮數州之地趙王孝恭招之其
潮循二州並來降武德五年士宏遣其弟鄱陽王

藥師率兵二萬攻圍循州刺史楊畧

楊畧本名世畧避太宗諱

亦猶王世充之稱王充也

與戰大破之士宏走死

林士宏傳

六年南州刺史龐孝恭反陷南越州

高祖紀

南州刺史龐孝恭南越州民甯道明高州首領

馮暄俱反道明與馮暄談殿據南越州反攻姜

州合州刺史甯純拔之

新書南蠻傳

謹案南州新書作昌州誤

七月岡州刺史馮士翽據新會反廣州刺史劉感

討平之使復其位

通鑑

七年六月瀧州扶州獠作亂遣南尹州都督李光

度等擊平之

太宗貞觀元年二月命大加併省因山川形便分

爲十道十曰嶺南

俱同上

五年馮盎來朝俄而羅竇諸洞獠叛詔盎率衆二

萬爲先鋒盎縱兵乘之斬首千餘級

馮盎傳

謹案馮盎談殿等迭相攻擊久未入朝諸
州奏盎反太宗遣員外散騎侍郎李公掩
慰諭之盎遣其子智戴隨使者入朝至是
年身又來朝也餘詳人物畧

七年七月遣使巡撫嶺南奉使者大理少卿李宏
節太子中允張元素都水使者長孫師三人者皆

恤刑獄巡海島奉令惟謹

王欽若等
冊府元龜

八年三月置酒未央宮高祖命突厥頡利可汗起
舞南越酋長馮智戴詠詩笑曰胡越一家自古未

之有也

高祖
紀

十四年三月羅賓二州獠反廣州總管黨仁宏敗

之新書太
宗紀

永徽二年十月竇州蠻寇邊桂州都督劉伯英敗

之新書高
宗紀

顯慶四年七月連州大水暴溢漂沒七百餘家詔

爲造宅室仍賑給之

冊府元龜

麟德二年四月曲赦桂廣黔三都督府管內大辟

罪以下

高宗
紀

八月侍中潁川縣公韓瑗左授振州刺史坐諫立

武昭儀爲皇后救褚遂良之貶也

同上

謹案唐以前得罪至嶺南者皆遷徙爲民

至唐時始謫爲宦有責授左授之分長流

配流之目茲但錄謫授刺史之人其謫爲
司馬司戶縣尉及流配者見謫宦類二漢
書三國志諸本紀重內輕外凡京師之官
則書外郡之刺史太守概從畧焉至沈約
宋書則書刺史矣蓋是時刺史權重故特
書之以著行政用人之典亦今昔異宜也
今從其例除授與謫授皆著於事畧

乾封二年嶺南洞獠陷瓊州

新書高
宗紀

上元二年八月置南選使簡補廣交黔等州官吏

高宗
紀

嗣聖元年七月廣州崑崙殺其都督元叡

新書武
后紀

元叡闇懦僚屬恣橫有商舶至僚屬侵漁不已
商胡訴于元叡索枷欲繫治之羣胡怒有崑崙
袖劍登廳事殺元叡及左右十餘人而去無敢
近者登舟入海追之不及

通鑑

光宅三年七月雨金於廣州

新書武后紀

謹案新書五行志作垂拱三年

垂拱元年九月廣州都督王果討反獠平之

通鑑

長壽二年有上封事言嶺表流人有謀逆者乃遣

司刑評事萬國俊攝監察御史就按之至廣州徧
召流人擁之水次以次加戮三百餘人一時併命

然後鍛鍊曲成反狀

舊書刑法志

天后度流人已死又使使者安撫流人曰吾前發十道使安慰流人何使者不曉吾意加殺害深爲酷暴其輒殺流人使並在鎖項將至害流人處斬之以快亡魂諸流人未死或它事繫者

兼家口放還

通鑑
考異

天冊萬歲元年武什方自言能合長年藥太后遣

之乘驛於嶺南采藥還至偃師聞事露自絞死

通鑑

馮元常相州祐陽人則天朝授眉州刺史轉廣州

都督安南李嗣仙劫州縣詔元常討之賊黨多降

馮元
常傳

吳王恪子琨聖厯中爲嶺南招慰使安輯反獠甚

得其宜

新書吳王恪傳

宋慶禮洺州永平人則天時授衛尉遷大理評事充嶺南採訪使時嵯振等五州首領更相侵掠荒俗不安前使人懼其炎瘴莫有到者慶禮躬至其境示以禍福於是安堵遂罷鎮兵五千人

宋慶禮傳

謹案以上三事皆無年月可考宋慶禮事舊志系於長安三年不知何據

神龍二年初韋元貞流欽州而卒蠻酋甯承基逼取其女元貞妻崔氏不與承基殺之及其四男洵浩洞泚上命廣州都督周仁軌斬之以其首祭崔氏墓殺掠其部通鑑始盡

開元二年終南山竹有華實如麥嶺南亦然竹竝

枯死是歲大饑民采食之

新書五行志

韶州鼠害稼千萬餘羣

馬端臨文獻通考

十年八月嶺南按察使裴仙先上言安南賊帥梅

叔鸞等攻圍州縣遣內侍楊思勗討之

元宗紀

十五年五月以光王琚爲廣州都督五府節度大

使

十六年正月春瀧等州獠首領瀧州刺史陳行範

廣州首領馮仁智

楊思勗傳作馮璘

何游魯叛遣驃騎大

將軍楊思勗討之

俱同上

謹按思勗發桂州及嶺北兵討之十二月

擒游魯馮璘行範逃于雲際盤遼二洞生

擒斬之詳人物本傳

十七年詔張九齡開大庾嶺新路

新書地理志

謹案曲江集開鑿大庾嶺路銘序乃開元

四年十一月事新書誤

二十六年正月制天下繫囚死罪流嶺南餘並放

免

元宗紀

潮州刺史陳思挺謀反伏誅

新書元宗紀

開元中市舶使周慶立與波斯僧造奇巧以進侍

御史柳澤上書以諫帝嘉納之慶立由是免

冊府元龜

柳澤開元中轉殿中侍御史監領南道市舶使

周慶立造奇器澤上書曰不見可欲使心不亂
是見可欲而心必亂矣慶立雕製詭物造作奇
器乃治國之巨蠹明主所宜嚴罰者也慶立求
媚聖意搖蕩上心是禁典之所無赦陛下新卽
位固宜昭宣菲薄廣示節儉豈可以怪好示四
方哉

柳澤傳

謹案冊府元龜云由是免者乃免其官非
免其罪也

天寶三載二月

舊書作四月

南海郡太守劉巨鱗討吳

令光閏月令光伏誅

新書元宗紀

五載楊貴妃方有寵中外爭獻服器珍玩嶺南經

畧使張九章以所獻精美加三品天下從風而靡
妃欲得生荔枝歲命嶺南馳驛致之比至長安色

味不變

通鑑

六載正月遣御史羅希奭如嶺南殺遷謫者

同上

時楊國忠顓政殺嶺南流人以中使傳口敕行
刑畏議者嫉其酷乃以宇文審爲嶺南監決處

置等使活者甚衆

胡三省通鑑注

三月南海太守彭果坐贓決杖長流溱溪郡死於

路

元宗紀

八載五月南海太守劉巨鱗坐贓決死之

同上

十二載五月以左衛大將軍何復光將嶺南五府

兵擊南詔

通鑑

至德元載正月南陽太守魯炁將嶺南黔中襄陽

子弟五萬人屯葉北以備安祿山

同上

炁升五府經畧討擊使爲廣南節度使領廣韶

循潮康瀧端新封勤羅潘高恩雷峩瓊振儋萬

安軍二十二州治廣州

通鑑

謹案二十二州祇有二十州其二州不知

何州宋時改萬安州爲軍三省誤以宋制

爲唐制也

至德初上皇在蜀思九齡之先覺遣使韶州致祭

張九齡傳